

讀史方輿紀要

辛丑仲秋

安師題簽

讀史方輿紀要卷五

常熟顧祖禹景范輯著

歷代州域形勢五 唐上

唐起自太原先定關右

史略初煬帝南巡江都命唐公李淵為太原留守

淵西涼王暠七世孫祖虎於宇文周有佐命功封唐國公淵襲爵後

遂以唐為國號

大業十三年天下騷亂淵子世民勸淵起兵淵從之先取西河郡

今為平

陽府

入臨汾

即平陽府時為臨汾郡

拔絳郡

見前

遂至龍門

在今山西汾陰縣見前

別將亦徇離石

今山西永甯州見前

文成

今平陽府

等郡隋將屈突通將重兵屯河東

即今平陽府

淵引軍圍之

任說淵勿攻河東自梁山濟河

梁山在陝西韓城縣東南十八里自龍門濟河必由之道也

指韓城逼郃陽

韓城郃陽俱今西安府同州屬縣

鼓行而進直據永豐

永豐倉在陝西華陰縣城東隋積粟於此

傳檄遠近關中可坐定也淵遂分軍圍河東渡河而西關中望風降附淵舍於長春宮

在今同州朝邑縣治西北

成等屯永豐倉

守潼關

見前以備東方兵世民等徇渭北營於涇陽

見前而諸軍並進遂克長安略定平涼安

定等郡

平涼郡時治高平故原州也安定郡時治安定即今涇州

東取新安以西

今河南府新安縣初置郡又改置穀州於此

南收巴蜀

受隋禪滅秦

見前薛舉并

涼

見前盡平隴右河西地

次莫洛陽遂清江表進掃河朔

史略武德二年劉武周陷并晉諸州西至龍門關中震動

初義師入關使元吉留守太原武周

南侵元吉遁還長安賊勢遂熾

上欲棄大河以東謹守關西秦王世民曰太原王業所基國之根本河東富實京邑所資臣

請平殄武周克復汾晉從之武周敗遁并州復定三年命世民東討世充世民自新安進軍慈澗

在新安東見前

分遣史萬寶自宜陽南據龍門

宜陽見前龍門即關塞山也在今河南府城西南三十里

劉德威自太行東還河內王君廓自洛口斷其

餉道黃君漢自河陰攻迴洛城

時君漢為懷州總管軍於河北

大軍屯於北邙

在今河南府城北見前

連營以迫之世充屢敗遂圍東

都達近州縣次第歸附世民又遣王君廓襲轅轅轅轅山在今鞏縣西南見前拔之河陽來降既又克其虎牢世充益窘

數求救於竇建德建德方營河南取曹戴

即孟海公之地

遂引而西自滑州進屯酸棗

今開封府延津縣北陷管州十五里有故城見前

潒陽陽翟

俱見前

水陸並進營於成臯東原

成臯即虎牢也

遣使與世充相聞諸將皆請避其鋒薛收等曰世充保據

東都府庫充實所將之兵皆江淮精銳

世充自江都引兵西援洛陽故云

但乏糧食故為我所持建德遠來赴援亦當極其

精銳若縱之至此兩寇合從轉河北之粟以餽洛陽則戰爭方始混一無期今宜分兵守洛陽深溝高壘慎

勿與戰王親帥驍銳先據成臯厲兵訓士以逸待勞決可克也建德既破世充自下不過二旬兩主就縛矣

世民善之使齊王元吉等圍守東都遂東據虎牢建德不得進世民又遣精騎抄其糧運破之凌敬言於建

德曰大王宜悉兵濟河攻取懷州河陽使重將守之更鳴鼓建旗踰太行入上黨徇汾晉趨蒲津

蒲津即山西蒲州臨

晉關

見前蹈無人之境拓地收兵則關中震駭鄭圍自解矣建德妻曹氏亦曰大王自滏口乘唐國之虛

滏口在河南武

安縣

盜山見前

連營漸進以取山北

建德都洛州在山南并代汾晉皆山北也

又因突厥西抄關中唐必還師自救鄭圍何憂不

解不聽及戰為世民所擒師還洛陽世充懼遂降於是河南北州郡悉定既又發巴蜀兵使行軍總管趙郡

王孝恭及李靖等自夔州東下分遣黔州刺史田世康出辰州道

黔州時治彭水縣今四川重慶府涪州屬縣也辰州治沅陵縣今湖廣辰州府黃

州刺史周法明出夏口道以擊蕭銑孝恭克荆門宜都一鎮進至夷陵荆門在宜都縣西北五十里夷陵又

先克其荆門宜都而後引大軍至夷陵也宜都今夷陵州屬縣破銑兵於清江在宜都縣城東又北合於大江追敗之於百里洲在今荊州府枝江縣東北大江中進入北

江江水過百里州而支分在洲北直抵江陵銑兵敗出降靖因安撫嶺南交廣諸州相率順命林士宏亦窮

江者為北江即江陵之南境矣

感請降和州總管杜伏威復討平李子通等循海江淮悉定會劉黑闥復起河北據寶建德故地高開道徐

圓朗等亦叛應之世民討敗黑闥黑闥北遁繼而復熾尋敗死圓朗等亦次第夷滅六年輔公祏復據丹陽

叛詔趙郡王恭孝以舟師自襄州趨江州時孝恭為襄州道行臺僕射李靖以交廣泉桂之眾趨宣州時靖為嶺南道大使宣州即宣城郡

黃君漢出譙君漢時為懷州總管譙即毫也李世勣出淮泗世勣時為齊州總管蓋使之自泗入淮討之七年孝恭敗輔公祏之兵於樅陽

今安慶府桐城縣東進拔其鵠頭鎮今池州府銅陵縣北十里有鵠頭山即置鎮處又破之於蕪湖拔梁山等三鎮梁山在今和州南北二十里有故城

南遣兵屯梁山博望青林三處故曰三鎮博望亦曰東梁山在太平府西進至丹陽公祏走死貞觀二年柴

紹討梁師都於朔方復平之於是天下大定

紹漢法周建都關內都邑考高祖因隋之舊定都長安時謂長安為京城太宗修洛陽宮時巡幸焉高宗嘗

言兩京朕東西二宅顯慶二年以洛陽為東都武后都洛陽光宅初號曰神都中宗神龍初復曰東都元宗以長安為西京洛陽為東京開元

定制九年又改東京曰東都天寶初復故又開元九年以蒲州為河中府建中肅宗更以蜀郡為南京鳳翔

都未幾復罷為州乾元三年復曰河中府置中都元和三年罷中都為府如故肅宗更以蜀郡為南京鳳翔

為西京蜀郡以上皇南幸之地鳳翔以西京為中京至德二載建三京上元初復尋又以京兆為上都河

中興駐蹕之所故並建為京

置南都於荊州曰江陵府

卷五 州域形勢五

南為東都鳳翔為西都江陵為南都太原為北都所謂五都也唐志北都天授元年置神龍元年罷開元二年復置天寶元年曰北京上元二年與京

兆河南鳳翔江陵並罷京都之號明年詔曰五都之號其來自久因以京兆河南鳳翔江陵太原並建為都其後復罷六京兆河南太原時謂之三都又昭宗天祐元年朱全忠復刻遷車駕於洛陽而唐祚以移

文軌混同分天下為十道隋季羣雄競起互相分割建置紛然唐興因而不改其納地來歸者亦往往割置州縣以寵祿之由是州縣之數倍於開皇大業間貞觀元年以民少官多思革其弊命

大加併省因山川形便分為十道

東距河西抵隴坂隴坂即隴坻見七國秦隴蜀注南據終南終南山在西安府南五十里詳陝西名山終南北邊沙漠曰關內道統州二十二貞觀十三年始簿天下州縣

之數自是數有損益今略以六典為據而貞觀以後所增置之州以次附焉又唐志武德初改郡為州太守為刺史而雍州置牧天寶初改州為郡刺史為太守至德二載復故今舉郡名及隨時改易諸名俱彙見於此以便參考

雍州漢曰京兆尹隋曰雍州唐因之開元三年曰京兆府領萬年等縣十八萬年即今西安府治附郭咸寧縣又乾甯初增置乾州治奉天縣今乾州仍屬西安府

華州漢屬京兆尹魏曰華州隋唐因之垂拱初改泰州尋復故亦曰華陰郡領鄭縣等縣三乾甯五年改華州曰興德府時駐蹕於此也天祐三年復曰華州今仍曰華州屬西安府

同州漢曰左馮翊西魏曰同州隋唐因之亦曰馮翊郡領馮翊等縣九今仍曰同州屬西安府

岐州漢曰右扶風後魏曰岐州隋唐因之亦曰扶風郡領雍縣等縣八至德三載改鳳翔府今仍曰鳳翔府

隴州漢屬右扶風西魏曰隴州隋唐因之亦曰汧陽郡領汧源等縣五今隴州屬鳳翔府

邠州漢扶風等郡地西魏置豳州隋唐因之開元十三年改邠曰邠亦曰新平郡領新平等縣四今邠州屬西安府

涇州漢曰安定郡後魏置涇州隋唐因之亦曰安定郡領安定等縣五今屬平涼府

甯州

漢爲北地等郡地西魏曰甯州隋唐因之亦曰彭原郡領定安等縣七今屬慶陽府大中間又置衍州治定平縣今甯州南六十里廢定平縣是也

坊州

漢上郡地唐武德二年置坊州亦曰中部郡領中部等縣三今鄜州中部縣卽故州治又天祐初置翟州治鄜城縣朱梁改曰福州今鄜州洛川縣東南三十里有廢鄜城縣蓋李茂貞所置州也

鄜州

漢上郡地後周曰敷州唐改曰鄜州亦曰洛交郡領洛交等縣五今屬延安府

丹州

漢上郡地西魏曰丹州隋唐因之亦曰咸寧郡領義川等縣五今延安府宜川縣是其治

延州

漢上郡地後魏曰延州唐因之亦曰延安郡領膚施等縣九卽今延安府

慶州

漢曰北地郡隋曰慶州唐因之亦曰安化郡至德初又改順化郡領安化等縣八今慶陽府是也

原州

漢安定郡地後魏曰原州唐因之亦曰平涼郡領高平等縣三今平涼府鎮原縣是其治又大中五年增置武州治蕭關縣今平涼府鎮原縣西北百四十里蕭關城是

鹽州

漢北地郡地西魏曰鹽州唐因之亦曰五原郡領五原等縣二今甯夏後衛是

靈州

漢北地郡地後魏置靈州隋唐因之亦曰靈武郡領回樂等縣五今甯夏衛靈州所是又大中三年置威州領鳴沙等縣二鳴沙今甯夏中衛東南百五十里鳴沙故城是又景福二年增置營州治定遠城在今

甯夏衛北六十里

會州

漢金城等郡地西魏置會州唐因之亦曰會甯郡領會甯等縣二今靖虜衛是

夏州

漢曰朔方郡後魏曰夏州隋唐因之亦曰朔方郡領朔方等縣四今榆林鎮西北廢夏州是又開元二十六年增置宥州亦曰甯朔郡至德二載又曰懷德郡領延恩等縣三今榆林鎮西廢宥州是

豐州

漢五原郡地隋置豐州唐因之亦曰九原郡領九原等縣三今榆林鎮西北有廢豐州

勝州

漢雲中等郡地隋置勝州唐因之亦曰榆林郡領榆林等縣二今榆林鎮東北四百五十里有廢勝州

綏州漢曰上郡西魏置綏州隋唐因之亦曰上郡領龍泉等縣五今延安府綏德州

銀州漢西河郡地後周置銀州隋唐因之亦曰銀川郡領儒林等縣四儒林故城在今延安府綏德州米脂縣西北百八十里又開元九年分銀勝二州地置麟州亦曰新秦郡領新秦等縣二今延安府葭州神木縣

北四十里有新秦故城

東盡海西距函谷函谷南濱淮北薄於河曰河南道統州二

洛州漢河南郡北齊曰洛州隋唐因之開元初曰河南府領河南等縣二十六即今河南府

陝州漢宏農郡地後魏曰陝州隋唐因之天寶初曰陝府亦曰陝郡領陝縣等縣五天祐初遷洛改爲興唐府哀帝初復故今屬河南府

虢州漢曰宏農郡唐置虢州亦曰宏農郡領宏農等縣六今陝州靈寶縣西南三十里故宏農城是唐志云開元初改隸河東道

汝州漢河南等郡地隋大業初曰汝州唐因之亦曰臨汝郡領梁縣等縣三即今汝州又開元三年置偃州領葉縣等縣五二十五年州廢葉縣今屬南陽府裕州

鄭州漢河南郡地後周曰鄭州隋唐因之亦曰滎陽郡領營城等縣八今屬開封府

汴州漢曰陳留郡後周曰汴州隋唐因之亦曰陳留郡領浚儀等縣五今開封府是

豫州漢曰汝南郡劉宋爲豫州治後魏後周因之隋曰蔡州唐復爲豫州亦曰汝南郡寶應初復改蔡州領汝陽等縣十今汝甯府

許州漢曰潁川郡後周曰許州隋唐因之亦曰潁川郡領長社等縣九今屬開封府又建中二年置澠州治鄆城縣長慶三年廢鄆城今許州屬縣

陳州漢淮陽汝南郡地隋曰陳州唐因之亦曰淮陽郡領宛邱等縣四今屬開封府

潁州漢汝南郡地唐武德六年始曰潁州亦曰汝陰郡領汝陰等縣三今屬鳳陽府

亳州漢沛郡地後周曰亳州隋唐因之亦曰譙郡領譙縣等縣八今屬鳳陽府

宋州漢曰梁國隋置宋州唐因之亦曰睢陽郡領宋城等縣七今歸德府又光啓中增置單州領單父等縣四光化二年朱全忠奏改爲輝州移治碭山以溫生於碭山也後唐復曰單州仍治單父單父今山東單縣碭山今江南徐州屬縣

曹州漢曰濟陰郡後周曰曹州隋唐因之亦曰濟陰郡領濟陰等縣五今山東兗縣西北七十里廢濟陰縣是其治

滑州漢曰東郡隋曰滑州唐因之亦曰靈昌郡領白馬等縣七今爲大名府滑縣

濮州漢東郡濟陰等郡地隋曰濮州唐因之亦曰濮陽郡領鄆城等縣二今屬東昌府

鄆州漢曰東平國隋曰鄆州唐因之亦曰東平郡領須昌等縣三今爲兗州唐東平州

濟州漢濟北東平等郡國地隋曰濟州唐因之亦曰濟陽郡領盧縣等縣五天寶十三年廢濟州入鄆州盧縣見漢泰山郡注

齊州漢濟南等郡地後魏曰齊州隋唐因之亦曰濟南郡領歷城等縣八即今濟南府

淄州漢安樂等國地隋曰淄州唐因之亦曰淄川郡領淄川等縣五今濟南府淄川縣是其治

徐州漢楚國沛郡地晉爲徐州治後魏及隋唐因之亦曰彭城郡領彭城等縣六今仍曰徐州又元和四年增置宿州領符離等縣四今屬鳳陽府

兗州漢曰魯郡劉宋時兗州治此隋曰兗州唐因之亦曰魯郡領瑕邱等縣八今爲兗州府

泗州漢臨淮等郡地後周曰泗州隋唐因之亦曰臨淮郡領臨淮等縣五今屬鳳陽府

沂州漢琅邪等郡地後周曰沂州隋唐因之亦曰琅邪郡領臨沂等縣五今屬兗州府

青州漢曰北海郡東晉爲青州治劉宋因之隋仍曰青州唐因之亦曰北海郡領益都等縣七卽今青州府

萊州漢曰東萊郡隋曰萊州唐因之亦曰東萊郡領掖縣等縣六今萊州府又如意初置登州亦曰東牟郡初治文登縣神龍三年移治蓬萊領縣四今爲登州府

棣州漢平原郡勃海等郡地唐武德四年置棣州亦曰樂安郡領厭次等縣五今濟南府武定州

密州漢高密等郡國地隋置密州唐因之亦曰高密郡領諸城等縣四諸城縣今屬青州府

海州漢曰東海郡東魏曰海州隋唐因之亦曰東海郡領朐山等縣四今屬淮安府

東距常山常山卽恆山見前西據河南抵首陽太行首陽山在今山西蒲州東南十五里太行山今淮慶府北見前北邊匈奴曰河東道領州十八

并州漢太原郡後漢爲并州治晉以後因之唐亦曰并州又爲太原府領太原等縣十四今太原府太原縣是其治又龍紀初置憲州領樓煩等縣二今太原府靜樂縣西北七十里有故樓煩城李克用所奏置

潞州漢上黨郡後周曰潞州唐因之亦曰上黨郡領上黨等縣五今潞安府

澤州漢上黨河東等郡地隋曰澤州唐因之亦曰高平郡領晉城等縣六卽今澤州是

絳州漢河東郡地後魏曰晉州後周及隋唐因之亦曰平陽郡領臨汾等縣七今平陽府

晉州漢河東郡地後周曰絳州隋唐因之亦曰絳郡領正平等縣五今爲直隸州

蒲州漢河東郡後周曰蒲州隋唐因之亦曰河中府又爲河東郡領河東等縣五今爲府

汾州漢西河太原二郡地後魏置汾州唐因之亦曰西河郡領隰城等縣五今汾州府

慈州漢河東郡地隋曰汾州唐武德五年曰南汾州八年曰慈州亦曰文成郡領吉昌等縣五今平陽府吉州也

隰州 漢河東郡地隋曰隰州唐因之亦曰大甯郡領隰川等縣六今屬平陽府

石州 漢西河郡地後周曰石州隋唐因之亦曰昌化郡領離石等縣五今汾州府永甯縣

沁州 漢上黨郡地隋置沁州唐因之亦曰陽城郡領沁原等縣三即今沁州

箕州 漢上黨郡地唐武德三年置遼州八年曰箕州先天初曰儀州亦曰東平郡中和三年復曰遼州領遼山等縣四即今遼州

嵐州 漢太原郡地後魏曰嵐州隋唐因之亦曰樓煩郡領宜芳等縣四今太原府崞嵐州嵐縣是其治

忻州 漢太原郡地隋曰忻州唐因之亦曰定襄郡領秀容等縣二今屬太原府

代州 漢雁門太原二郡地隋曰代州唐因之亦曰雁門郡領雁門等縣五今為直隸州

朔州 漢定襄雁門二郡地後魏置朔州北齊及隋唐因之亦曰馬邑郡領善陽等縣二今為朔平府

蔚州 漢代郡地後周置蔚州隋唐因之亦曰安邊郡領靈邱等縣三靈邱即今蔚州靈邱縣

雲州 漢雲中雁門等郡地唐武德六年置北恆州七年廢貞觀十四年改置雲州於此亦曰雲中郡領雲中縣一今大同府治是也唐末又置應州領金城等縣二今屬大同府

東並海 南迫於河西距太行常山北通渝關薊門 渝關即今海南關薊門即今居庸關俱見前 曰河北道 統州二

懷州 漢河內郡後魏置懷州隋唐因之亦曰河內郡領河內等縣九今為懷慶府又會昌二年置孟州領河陽等縣五河陽今懷慶府之孟縣

衛州 漢河內及魏郡地後周曰衛州隋唐因之亦曰汲郡領汲縣等縣五今為衛輝府

相州 漢曰魏郡後魏曰相州後周及隋唐因之亦曰鄴郡領安陽等縣九今為彰德府又武德初置磁州貞觀初廢永泰初復置領滏陽等縣四即今彰德府滋州

洛州漢曰廣平郡領永年等縣七卽今廣平府

邢州漢鉅鹿常山等郡國地隋曰邢州唐因之亦曰鉅鹿郡領龍固等縣九卽今順德府

趙州漢鉅鹿常山等郡國地北齊曰趙州隋唐因之亦曰趙郡領平棘等縣九今屬真定府

冀州漢曰信都郡國晉嘗爲冀州治後魏以後因之唐亦曰冀州龍朔二年改魏州尋復故亦曰信都郡領信都等縣六今屬真定府

恆州漢常山郡後周置恆州隋唐因之亦曰常山郡元和十五年改曰鎮州領真定等縣六卽今真定府

定州漢曰中山郡後魏曰定州後周及隋唐因之亦曰博陵郡領安喜等縣十今屬真定府又景福二年置祁州領無極等縣二無極今真定府屬縣

易州漢涿郡地隋曰易州唐因之亦曰上谷郡領易縣等縣五今屬保定府

幽州漢曰燕國後漢爲幽州治晉以後因之唐仍曰幽州亦曰范陽郡領薊縣等縣十今順天府又開元十八年新置薊州亦曰漁陽郡領漁陽等縣三今屬順天府又天寶初置順義郡亦曰順州領賓義縣一寄治范陽

順天府又唐末置儒州領范陽等縣三今屬順天府又唐末置儒州領范陽等縣三今屬順天府

深州漢涿郡地隋曰深州唐因之貞觀十七年廢先天二年復置亦曰饒陽郡領饒陽等縣四饒陽今真定府晉州屬縣也

瀛州漢涿郡地後魏曰瀛州隋唐因之亦曰河間郡領河間等縣十卽今河間府又景雲二年置鄭州開元十三年曰莫州亦曰文安郡領鄭縣等縣六今河間府在邱縣北三十里有廢莫州城

貝州漢曰清河郡後周置貝州隋唐因之亦曰清河郡領清河等縣九今屬廣平府清河縣是

魏州漢魏郡度東郡地後周置魏州隋唐因之龍朔二年改曰冀州尋復故亦曰魏郡領貴鄉等縣十貴鄉今大名府大名縣是又武德四年置澶州貞觀初廢大曆七年復置領頓邱等縣四頓邱今大名府清豐縣西南

五十五里
有故城

博州 漢東郡平原等郡地隋曰博州唐因之亦曰博平郡領聊城等縣六今爲東昌府

德州 漢曰平原郡隋置德州唐因之亦曰平原郡領安德等縣八今濟南府陵縣故安德縣也

滄州 漢曰勃海郡後魏置滄州隋唐因之亦曰景城郡領清池等縣十今屬河間府又武德四年置觀州貞觀十七年廢貞元五年改置景州領弓高等縣四今景州東北四十里有故弓高城

媯州 漢上谷郡也唐武德七年置北燕州貞觀八年改媯州亦曰媯川郡領懷戎等縣二懷戎今宜府鎮懷來衛是又唐末幽州鎮增置武州領文德縣一今宣府鎮是也又增置新州領永興等縣四永興今保安州治是

或曰皆光啓中置

檀州 漢漁陽郡地隋曰檀州唐因之亦曰密雲郡領密雲等縣二密雲今順天府昌平州屬縣天寶初又置歸化郡亦曰歸順州領懷柔縣一後亦謂之順州懷柔今昌平州屬縣

營州 漢屬遼西郡後魏曰營州隋唐因之亦曰柳城郡領柳城縣一今大甯廢衛東故營州城是也

平州 漢右北平及遼西等郡地隋曰平州唐因之亦曰北平郡領盧龍等縣三即今永平府

燕州 漢燕國地隋曰順州唐曰燕州亦曰歸德郡領遼西縣一今順天府昌平州順義縣是

東接荆楚西抵隴蜀南控大江北距商華之山 商山見七國韓商阪華山見前曰山南道統州三十三

荊州 漢曰南郡晉爲荊州治後因之唐仍曰荊州亦曰江陵郡上元初曰江陵府領江陵等縣八即今荊州府

襄州 漢南郡及南陽郡地西魏曰襄州隋唐因之亦曰襄陽郡領襄陽等縣七今襄陽府

鄧州 漢曰南陽郡隋曰鄧州唐因之亦曰南陽郡領穰縣等縣六今屬南陽府

唐州 漢南陽郡地唐武德四年置唐州亦曰淮安郡領比陽等縣六今南陽府唐縣劉昫曰本屬河南道至德後割屬山南東道

隨州 漢南陽郡地西魏曰隨州隋唐因之亦

鄧州 漢江夏郡地西魏曰鄧州隋唐因之亦

復州 漢江夏及南郡地後周曰復州隋唐因之亦

均州 漢南陽漢中三郡地隋曰均州唐因之亦

房州 漢漢中郡地唐武德初置房州亦曰房

峽州 漢南郡地後周曰峽州隋唐因之亦曰夷

歸州 漢南郡地唐武德二年曰巴州亦曰

夔州 漢巴郡地梁曰信州唐武德三年改曰夔

萬州 漢巴郡地唐武德二年置南浦州八年曰浦州貞觀八

忠州 漢巴郡地後周曰臨州唐貞觀八年曰忠州

梁州 漢曰漢中郡三國漢為梁州治晉以後因之唐亦曰梁州開元十三年曰

洋州 漢漢中郡地西魏曰洋州隨唐因之亦曰洋

金州 漢漢中郡地西魏曰金州隋唐因之亦曰安康郡

商州 漢宏農郡地後周曰商州隋唐因之亦

鳳州 漢武都郡地後周曰鳳州隋唐因之亦曰河池郡領梁泉等縣四今漢中府鳳縣

興州 漢武都郡地西魏曰興州隋唐因之亦曰順政郡領順政等縣三今爲漢中府留羌州略陽縣

利州 漢廣漢郡地西魏曰利州隋唐因之亦曰益昌郡領綿谷等縣六今保甯府廣元縣

閬州 漢巴郡地唐初置隆州先天中曰閬州亦曰閬中郡領閬中等縣九今保甯府

開州 漢巴郡地唐武德初置開州亦曰盛山郡領盛山等縣三今夔州府開縣

果州 漢巴郡地唐武德四年置果州亦曰南充郡領南充等縣六今順慶府

合州 漢巴郡地西魏置合州唐因之亦曰巴川郡領石鏡等縣六今屬重慶府

渝州 漢巴郡地隋曰渝州唐因之亦曰南平郡領巴縣等縣四今重慶府

涪州 漢巴郡地唐武德初置涪州亦曰涪陵郡領涪陵等縣四今屬重慶府

渠州 漢巴郡地唐武德初曰渠州亦曰潾山郡領流江等縣四今順慶府廣安州渠縣

蓬州 漢巴郡地後周置蓬州隋唐因之亦曰咸安郡領大寅等縣六今順慶府蓬州儀隴縣南三十里蓬池故城是

璧州 漢巴郡地唐武德八年置璧州亦曰始甯郡領諸水等縣三諸水今巴州之通江縣

巴州 漢巴郡地梁曰巴州隋唐因之亦曰清化郡領化成等縣七今屬保甯府

通州 漢巴郡地西魏曰通州隋唐因之亦曰通川郡領通川等縣七即今夔州府達州

集州 漢廣漢巴二郡地梁曰集州隋唐因之亦曰符陽郡領難江等縣三難江今保甯府巴州之南江縣

東接秦州西踰流沙見前南連蜀及吐蕃吐蕃今西番地北界沙漠曰隴右道統州二十

秦州 漢曰天水郡晉置秦州唐因之亦曰天水郡領上邽等縣五今爲直隸州

渭州 漢曰隴西郡後魏曰渭州唐因之亦曰隴西郡領襄武等縣四今鞏昌府上元以後爲吐蕃所陷元和四年僞置行渭州於平涼縣尋復陷沒中和四年復置渭州於平涼即今平涼府

成州 漢武都郡地西魏曰成州隋唐因之亦曰同谷郡領上祿等縣三上祿今鞏昌府成縣西百三十里有故城

武州 漢曰武都郡西魏置武州隋唐因之亦曰武都郡景福初改曰階州領將利等縣三今鞏昌府階州北三百十里有廢將利縣

蘭州 漢金城等郡地隋曰蘭州唐因之亦曰金城郡領五泉等縣三屬臨洮府今爲甘肅省城又天寶三載置狄道郡乾元初亦曰臨州領狄道等縣二即臨洮府或曰臨州開元初置今改狄道州

河州 漢金城等郡地符秦置河州後魏及隋唐因之亦曰安鄉郡領抱罕等縣三今屬蘭州府

洮州 本西戎地後周置洮州隋唐因之亦曰臨洮郡領臨潭等縣二今廢衛置撫番同知

岷州 漢隴西郡地西魏置岷州隋唐因之亦曰和政郡領溢樂等縣四今屬鞏昌府

疊州 本羌戎地後周置疊州隋唐因之亦曰合州郡領合州等縣二今洮州衛南百八十里有疊州故城

宕州 今羌戎地後周置宕州隋唐因之亦曰懷道郡領懷道等縣二今岷州衛南百二十里有宕州故城

鄯州 漢金城郡地後魏置鄯州隋唐因之亦曰西平郡領湟水等縣三今爲西甯府

廓州 本西羌地後周置廓州隋唐因之亦曰甯塞郡領廣威等縣三今西甯衛西二百里有廓州故城

涼州漢曰武威郡曹魏爲涼州治晉以後因之唐仍爲涼州亦曰武威郡領姑臧等縣五今爲涼州衛

甘州漢曰張掖郡西魏曰甘州唐因之亦曰張掖郡領張掖等縣二今甘州衛

肅州漢曰酒泉郡隋置肅州唐因之亦曰酒泉郡領酒泉等縣三今肅州衛

瓜州漢敦煌郡唐武德五年置瓜州亦曰晉昌郡領晉昌等縣二今廢沙州衛東有瓜州故城

沙州漢曰敦煌郡唐武德五年曰西沙州貞觀七年曰沙州亦曰敦煌郡領敦煌等縣二今廢沙州衛

伊州漢西域伊吾廬地唐貞觀四年內屬置西伊州六年曰伊州亦曰伊吾郡領伊吾等縣二即今西域哈密衛

西州漢西域車師前王庭也唐貞觀十四年平高昌始置西州亦曰交河郡又爲金山都督府領高昌等縣五即今西域火州

庭州漢車師後王庭也唐貞觀十四年平高昌并得其地因置庭州長安十二年曰北庭都護府天寶初曰北庭節度使領金蒲等縣三今火州北有廢庭州上元以後河西軍鎮多爲回鶻所陷

東臨海西抵漢南據江北距淮曰淮南道統十四

揚州漢曰廣陵國隋曰揚州唐因之亦曰廣陵郡領江都等縣四今揚州府

楚州漢臨淮郡地隋置楚州唐因之亦曰淮陰郡領山陽等縣四今淮安府

和州漢九江郡地北齊曰和州隋唐因之亦曰歷陽郡領歷陽等縣二今仍曰和州

滁州漢九江郡地隋曰滁州唐因之亦曰永陽郡領清流等縣二今仍曰滁州

濠州漢九江郡地隋曰濠州唐改曰濠州亦曰鍾離郡領鍾離等縣三今鳳陽府

壽州 漢曰九江郡隋曰壽州唐因之亦曰壽春郡領壽春等縣四今屬鳳陽府

廬州 漢廬江等郡地隋初曰廬江州唐曰廬州亦曰廬江郡領合肥等縣四今廬州府

舒州 漢廬江郡地唐武德四年曰舒州亦曰同安郡至德二載又曰盛唐郡領懷甯等縣五即今安慶府

蘄州 漢江夏郡地後周曰蘄州隋唐因之亦曰蘄春郡領蘄春等縣四今屬黃州府

黃州 漢曰江夏郡後周曰黃州隋唐因之亦曰齊安郡領黃岡等縣三今黃州府

沔州 漢江夏郡地隋曰沔州唐因之亦曰漢陽郡領漢陽等縣二今漢陽府

安州 漢江夏郡地西魏曰安州唐因之亦曰安陸郡領安陸等縣六今德安府

申州 漢南陽江夏二郡地後周曰申州隋唐因之亦曰義陽郡領義陽等縣三即今汝甯府信陽州

光州 漢汝南等郡地梁末置光州唐因之亦曰弋陽郡領定城等縣五今爲直隸州

東臨海西抵蜀南極嶺 嶺卽五嶺北帶江曰江南道統州四十二

潤州 漢丹陽等郡地隋置潤州唐因之亦曰丹陽郡領丹徒等縣五即今鎮江府又至德二載置江甯郡乾元初曰昇州上元二年廢大順初復置領上元等縣四今江甯府

常州 漢會稽郡地隋置常州唐因之亦曰晉陵郡領武進等縣四今常州府

蘇州 漢會稽郡隋曰蘇州唐因之亦曰吳郡領吳縣等縣四今蘇州府

湖州 漢會稽及丹陽郡地隋曰湖州唐因之亦曰吳興郡領烏程等縣五今湖州府